

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होरें आखेआ ऐ जे पाकिस्तान कन्नै शांति बहाली दी हर कोश्ट दा परता असेंगी धोखे ते दुश्मनी दे रूपै च गै थोआ ऐ।
- प्रधानमंत्री नरेन्द्र मोदी होर अज्ज नमीं दिल्ली च रायसीमा वार्ता दे 10में संस्करण दा उद्घाटन करगंन।
- मुख् सचिव होरें लोकें गी बेहतर सेवा उपलब्ध कराने लेई समुदायिक सेवा केन्द्रें दा पूरा पूरा इस्तेमाल करने पर जोर दित्ता ते सरकार दी डिजी दोस्त सेवा बारे लोकें गी जागरूक करने लेई आखेआ।
- हिडन, गाजियाबाद ते जम्मू बश्कार एयर इंडिया दी एक्सप्रेस ब्हाई सेवा 23 मार्च कोला शुरू होग।
- कौड्डी विश्वकप प्रतियोगिता अज्जै थमां इंग्लैंड च शुरू, भारत दा मकाबला इटली कन्नै होग।

<><><><><><>

PM-Pak

प्रधानमंत्री नरेन्द्र मोदी होरें आखेआ जे पाकिस्तान कन्नै शांति कायम करने दी भारत नै जेहड़ह बी कोशश कीती गई, ओह्दे परते च दुश्मनी ते धोखा गै हासल होआ ऐ। लैक्स फ्राडमैन हुंदे कन्नै पॉडकास्ट इंटरव्यू च मोदी होरें एह् गल्ल आक्खी। उनें मेद जाहर कीती जे ईश्वर पाकिस्तान दे नेताएं गी सद्बुद्धि दे तां जे दपक्खी रिश्ते बेहतर होई सकन। उनें आखेआ जे ओह् मन्नदे न पाकिस्तान दे लोक बी शांति चांहदे न ते ओह् बी इस उथल पुथल ते अशांति थमां तंग आई गेदे न। उनें आखेआ.....

<><><><><><>

Flash

हुनै हुनै थोई दी इक जानकारी मूजब कुपवाड़ा जिले दे हंदवाड़ा च सुरक्षाबलें ते आतंकवादिएं बशकार टाकरा शुरू होई गेदा, जेहदे च 2—3 आतंकवादिएं दे सुरक्षाबलें दे घरे च होने दी जानकारी ऐ। होर ब्योरे गी बलगेआ जा'रदा ऐ।

<><><><><><>

PM Raisina

प्रधानमंत्री नरेन्द्र मोदी होरें अज्ज नमीं दिल्ली च रायसिला .डायलाग दे 18में संस्करण दा उद्घाटन करगन। न्यूजीलैंड दे प्रधानमंत्री क्रिस्टोफर लक्सन उद्घाटनी सत्र च मुख् परौहने दे तौर पर शामिल होंगन ते मजूद लोकें गी संबोधत करगन। त्रै दिन दा एह कार्यक्रम बुधवारें तगर जारी रौहग। इस ब'रे कार्यक्रम दा विषय सार ऐ “कालचक्र लोक शांति ते धरती कार्यक्रम दरान दुनिया भरै दे नीति निर्माता ते विचारक बक्ख—बक्ख विषयें पर गल्लबात ते बचार बमर्श करगन। प्रधानमंत्री नरेन्द्र मोदी न्यूजीलैंड दे अपने जोड़ीदार कन्नै गल्लबात करने दा बी कार्यक्रम ऐ।

<><><><><><>

CS-Digidost

मुख् सचिव अटल डुल्लू समूलचे जम्मू कश्मीर च आम जनता ते कारोबारिएं गी सरकार दी तीफा बेहतर सेवा उपलब्ध कराने च समुदायिक सेवा केन्द्रें दी छमता ते संभावनाएं दा पता लाने लेई इक उच्ची सतह दी बैठक दी अध्यक्षता कीती। बैठक च बक्ख—बक्ख चाल्ली दिएं सरकारी सेवाएं गी समुदायिक सेवा केन्द्रें राएं आम लोकें ते कारोबारिएं तगर सखल्ले पजाने जां उंदी इंदे तगर सखल्ली पुज्ज जकीनी बनाने पर चेचे तौरा पर सोच बचार कीता गेआ, टकोहदा करियै दूर दरेड़े इलाकें च। मुख् सचिव होरें समुदायिक सेवा केन्द्रें दी “डिजी दोस्त” नां दी सुविधा दे महत्वै पर लोह पाई जेहदे राएं लोक घर बैठे दे गै सरकारी सेवाएं दा लाह तैहशुदा दरें पर गै हासल करी सकदे न।

<><><><><><>

Surya Ghar Camp

स्वच्छ ऊर्जा गी अपनाने बक्खी लोकें गी जागरूक ते आकर्षत करने दे मकसद कन्नै जम्मू बिजली बंड निगम लिमिटेड औंदी 18 मार्च गी जम्मू दे बाहू प्लाजा दे सेंट्रल पार्क च इक विशेष कैप दा सरिस्ता करने जा'रदा ऐ। इस पैहल दा मकसद लोकें गी सौर ऊर्जा दे फायदे बारे दस्सना ते कन्नै प्रधानमंत्री सूर्य घर मुफ्त बिजली योजना थमां किश चाल्ली लाह हासल कीता जाई सकदा ऐ, इस बारे जानकारी देना ऐ।

इस मौके माहिरें आस्सेआ लोकें गी इस स्कीम तैहत होने आले कम्में, एह्दे लेई दरखास्त देने, घरें दी छत्तें पर सोलर पैनल लाने बगैरा दी पूरी प्रक्रिया दी जानकारी देंगन, जेह्दे नै बिजली दी बचत होग, लोकें दे पैहे दी बी बचत होग ते साढ़े संसाधनें ते पर्यावरण दा बी संरक्षण होग। इस स्कीम कन्नै लोकें गी बी फायदा होआ'रदा ऐ ते उंदे पैहे दी बचत बी.....

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह् 120मीं किश्त होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न। एह्दे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह् कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एह्दे कन्नो कन्नी एह्दा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एह्दा डोगरी च अनुवाद प्रसारत कीता जाग। एह्दा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

AI Express Jammu Flight

ब्हार्ड संपर्क च बाद्धा करने ते यात्रा गी सखल्ला बनाने दे मकसद कन्नै एयर इंडिया उक्सप्रेस 23 मार्च थमां हिंडन, गाजियाबाद ते जम्मू बश्कार डोआरी शुरू करा'रदी ऐ। एह् डोआरी शनिवार गी छोड़ियै हर रोज होग। केन्द्रीय राज्य मंत्री डॉ. जितेन्द्र सिंह होरें इस बारे जानकारी सोशल मीडिया एक्स पर सांझी कीती। जम्मू दिल्ली बश्कार सफर करने आले लोकें आस्तै एह् शैल खबर ऐ। इस डोआरी कन्नै एनसीआर दिल्ली, नोएडा ते जम्मू बश्कार दे यात्रिएं गी सुविधा होग। एह् डोआरी जम्मू बडलै साढ़े 11 बजे पुज्जोग ते इक बजे रवाना होग। तोआई सिविल हवाबाजी सरबंधी मंत्रालय नै पैहली अप्रैल थमां जम्मू ते श्रीनगर बश्कार बडलै डोआरी शुरू करने लेई हामी भरी दित्ती ऐ।

<><><><><><>

DOPT

प्रधानमंत्री हुंदे दफ्तरे च राज्य मंत्री डॉ. जितेन्द्र सिंह होरें आखेआ ऐ जे हुन कोई बी तलाकशुदा जां घरै आले कोला बक्ख रवा करदी धीह् अपने सुर्गवासी पिता दी पेशन पर अपना दावा करी सकदी ऐ ते हुन उसी इस अधिकार लेई कनूनी लड़ाई नेई लड़नी पौग। इक समाचार अजेंसी गी दित्ते गेदे इक चेचे इंटरव्यू च डॉ. सिंह होरें आखेआ मजूदा समाज दिऐंचुनौतिऐं ते वास्तविकताएं गी ध्यानै च रखदे होई सरकार केई बड़्छे फैसले लै करदी ऐ, जिंदे नै महिलाएं गी उंदे अधिकार जकीनी तौरा पर हासल होन ते उंदा सशक्तिकरण जकीनी बनी सकै। उनें आखेआ जे तलाक दी प्रक्रिया जेकर पिता दे जींदा होंदे शुरू होई दी होवै तां धीह् अदालत दे मुकदे फैसले गी बलगे बगैर पैहले गै अपना दावा पिता दी पेंशन पर करी सकदी ऐ।

<><><><><><>

Seri Ramban

राई—बाई ते एह्दे कन्नै जुड़े दे होरने क्षेत्रें दे पूरे पराते विकास सरबंधी स्कीम एचएडीपी तैहत रेशम विभाग रामबन जिले च रेशम उद्योग गी बढ़ावा देने लेई मता कम्म करा'रदा ऐ। मैह्कमा, करसानें ते रेशम दियां खुब्तिया तैआर करने आले दे सशक्तिकरण लेई, जूज दे बूहटे लाने ते इंदे मयार च बेह्तरी आहन्नने ते उंदा दर्जा बधाने पर बी कम्म करा करदा ऐ। केन्द्र सरकार आस्सेआ प्रायोजित स्कीमें दी मदद कन्नै इस कम्म कन्नै जुड़े दे लोकें गी मता फायदा पुज्जा करदा ऐ ते लोक मते खुश न। साढ़े जिला संवाददाता अजयदीप सिंह कन्नै गल्ल करदे होई जिला रेशम अफसर संजय रोमित्रा होरें आखेआ.....

<><><><><><>

Kisht Job Card

किश्तवाड़ दे सहायक विकास आयुक्त फुलैल सिंह होरें मनरेगा स्कीम तैहत जॉब कार्ड धारक दे एटैंडेंस सरबंधी शदशें गी साफ कीता ऐ। अपने इक सनेह् च सहायक विकास आयुक्त होरें आखेआ.....
बाईट

<><><><><><>

Kabaddi

कौडी विश्व कप 2025 अज्ज संजा'लै इंग्लैंड च शुरू होआ'रदा ऐ। भारतीय मर्दे दी टीम अपने अभियान दी शुरूआत इटली दे खिलाफ बॉल्वरहैम्प्टन च करोग। मैच भारतीय सभें दे मताबक संजा'लै साढ़े 5 बजे शुरू होग। 7एं दिनें तगर चलने आले इस प्रतियोगिता च 6. शा मते मकाबले खेड़डे जांगन।

મર્દે દે વર્ગ ચ 10 ટીમાં હિસ્સા લે કરદિયાં ન, જિનેંગી દો ગ્રુપેં ચ બંડેઆ ગેદા એ। ભારત ગી ઇટલી, સ્કાટલેંડ, વેલ્સ તે ચીન કન્નૈ ગ્રુપ-બી ચ રખેઆ ગેદા એ।

<><><><><><>